

**KJKP „VODOVOD I KANALIZACIJA“ d.o.o. SARAJEVO**  
**v.d. DIREKTOR**  
**Izvod broj : 91/20**

Sarajevo, 05.02.2021. godine

Na osnovu člana 64. stav 1. tačka b), člana 70. stav 1. 3. i 6. Zakona o javnim nabavkama (Sl. glasnik BiH br. 39/14), člana 27. Pravilnika o nabavci roba, vršenju usluga i ustupanju radova KJKP „Vodovod i kanalizacija“ d.o.o. Sarajevo, te člana 41. Statuta preduzeća, na preporuku Komisije za javnu nabavku broj 91/20 od 12.01.2021. godine, u postupku javne nabavke br. **91/20 „Daktilni fazonski komadi sa spojnim i zaptivnim materijalom“** donosi se :

**O D L U K A**

o izboru najpovoljnijeg ponuđača

**Član 1.**

Prihvata se preporuka Komisije za javne nabavke o izboru najpovoljnijeg ponuđača broj 91/20 od 12.01.2021. godine i ugovor za javnu nabavku roba : **„Daktilni fazonski komadi sa spojnim i zaptivnim materijalom“ – tender broj 91/20** dodjeljuje se ponuđaču: **„Bihexo“ d.o.o. Sarajevo, ponuda broj: 151/20 od 07.12.2020. godine**, za ponuđenu cijenu od **649.981,10 KM bez PDV-a**, kao najbolje ocijenjenom.

**Član 2.**

Ova odluka objavit će se na web stanici [www.viksa.ba](http://www.viksa.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

**Član 3.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

**O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke izvod broj : 91/20 od 28.10.2020. godine.

Javna nabavka je provedena putem otvorenog postupka nabavke.

Procijenjena vrijednost javne nabavke bez PDV-a iznosi : 650.000,00 KM.

Obavještenje o nabavci broj: 247-1-1-184-3-325/20 poslato je na objavljivanje na Portal javnih nabavki dana 13.11.2020. godine, a sažetak obavještenja o nabavci je objavljen u Sl. glasniku BiH broj 75. od 20.11.2020. godine.

Komisija za javnu nabavku imenovana je Rješenjem br. 50/20 od 25.06.2020. godine i dopunskim Rješenjem za promjenjive članove komisije br. 91/20-1 od 28.10.2020. godine.

Komisija za javnu nabavku dostavila je dana 28.01.2021.g. Preporuku o izboru najpovoljnijeg ponuđača broj 91/20 u postupku javne nabavke roba: „Daktilni fazonski komadi sa spojnim i zaptivnim materijalom“ - tender broj 91/20.

Komisija za javnu nabavku je sačinila odgovarajuće zapisnike u kojima je utvrđeno sljedeće:

- Da je ukupan broj pristiglih ponuda: 3 (tri) ponude - „Vodoskok“ d.o.o. Tomislavgrad, „Bihexo“ d.o.o. Sarajevo i „Toplota“ d.o.o. Zenica;
- Da je blagovremeno zaprimljeno: 3 (tri) ponude - „Vodoskok“ d.o.o. Tomislavgrad, „Bihexo“ d.o.o. Sarajevo i „Toplota“ d.o.o. Zenica;
- Da nije bilo neblagovremeno zaprimljenih ponuda.

Komisija je utvrdila da dostavljene ponude ponuđača „Vodoskok“ d.o.o. Tomislavgrad, „Bihexo“ d.o.o. Sarajevo i „Toplota“ d.o.o. Zenica ispunjavaju zahtjevane tenderske uslove prema obliku i potpunosti u smislu pripreme ponude.

Pregledom ponuda koje su zadovoljile uslove u formalnom smislu, Komisija je pristupila analizi dokumentacije priložene uz ponude u smislu provjere kvalifikacije ponuđača, obzirom na iskazane zahtjeve ugovornog organa u tenderskoj dokumentaciji i konstatovala sljedeće:

R. br.	Zahtjevana kvalifikaciona dokumentacija	Ponuđač		
		„Vodoskok“ d.o.o. Tomislavgrad	„Bihexo“ d.o.o. Sarajevo	„Toplota“ d.o.o. Zenica
1.	<b>Tačka: 13 TD:</b> Izjava o ispunjenosti uslova iz člana 45. stav (1) tačka od a) do d) Zakona o javnim nabavkama – Aneks IV; Prilog 3.	DA	DA	DA
2.	<b>Tačka: 14.1. TD:</b> Izjava o ispunjenosti uslova iz člana 47. st. (1) tačka a) i (4) Zakona o javnim nabavkama - Aneks V; Prilog 4.	DA	DA	DA
2.1.	<b>Tačka: 14.1. TD:</b> Potvrda banke o aktivnosti transakcijskog računa koja nije starija od tri mjeseca računajući od dana dostavljanja ponude	DA	DA	DA
3.	<b>Tačka 14.3 TD:</b> Original ili ovjerena fotokopija Aktuelnog izvoda iz sudskog registra ovjerenu od strane nadležnog organa – (Sud, Opština ili notar) ili Rješenja o registraciji ili ekvivalent odgovarajućeg dokumenta, koji nije stariji od tri mjeseca od dana izdavanja, a računajući od dana predaje ponude (Član 46. ZJN BiH), kojim se dokazuje da ponuđač ima pravo na obavljanje profesionalne djelatnosti i/ili da je registrovan u relevantnim profesionalnim ili drugim registrima zemlje u kojoj je registrovan ili da osigura posebnu izjavu ili potvrdu nadležnog organa kojom se dokazuje pravo da obavlja profesionalnu djelatnost, koja je u vezi sa predmetom nabavke.	DA	DA	DA

Ponuđači „Vodoskok“ d.o.o. Tomislavgrad, „Bihexo“ d.o.o. Sarajevo i „Toplota“ d.o.o. Zenica u dostavljenim Izjavama iz čl. 45. i 47. ZJN nisu naveli broj Službenog glasnika BiH. Prema mišljenju Komisije nepopunjavanje broja Službenog glasnika BiH u Izjavama iz čl. 45. i 47. ZJN u konkretnoj nabavci ne predstavlja nedostatak zbog kojeg bi ponude navedenih ponuđača trebale biti odbačene jer imajući u vidu da se iz sadržaja izjava nesporno utvrđuje da se iste odnose na predmetni postupak nabavke, te da su iste uredno potpisane i ovjerene, a također je upisan tačan broj obavještenja, naziv predmeta nabavke kao i naziv ugovornog organa.

Komisija konstatuje da ponuđači „Vodoskok“ d.o.o. Tomislavgrad, „Bihexo“ d.o.o. Sarajevo i „Toplota“ d.o.o. Zenica ispunjavaju kvalifikacione uslove, obzirom na iskazane zahtjeve ugovornog organa u tenderskoj dokumentaciji.

Pregledom ostale zahtijevane dokumentacije/aneksa-priloga, konstatovano je slijedeće:

R. br.	Ostala zahtijevana dokumentacija/aneksi-prilozi	Ponudač		
		„Vodoskok“ d.o.o. Tomislavgrad	„Bihexo“ d.o.o. Sarajevo	„Toplota“ d.o.o. Zenica
1.	<b>Tačka: 15 TD:</b> Pismena izjava ponuđača iz člana 52. Zakona o javnim nabavkama – Aneks VIII; Prilog 5.	DA	DA	DA
2.	<b>Tačka: 16.TD pod 1:</b> Obrazac za ponudu – Aneks II; Prilog 1.	DA	DA	DA
2.1	<b>Tačka: 16.TD pod 1.1.:</b> Popis dokumenata uz ponudu koji čini sadržaj ponude – Aneks II; Prilog 1.	DA	DA	Nije u skladu sa zahtjevima iz TD
3.	<b>Tačka: 20 TD:</b> Obrazac za cijenu ponude – Aneks III; Prilog 2.	Nije u skladu sa zahtjevima iz TD	DA	DA
4.	<b>Tačka: 16.TD pod 7.1</b> - Tehničke kataloge ponuđenih proizvoda sa naznačenim proizvodom koji se nudi.	----	DA	---
5.	<b>Tačka: 16.TD pod 7.2</b> Original ili ovjerena fotokopija (ovjerena kod nadležnog organa - Sud, Opština ili notar) potvrde/izjave o usklađenosti proizvoda izdate od ovlaštene institucije za kontrolu kvaliteta, za ponuđene fazonske komade, a kojom se potvrđuje da ponuđena roba odgovara tehničkim uslovima definisanim u tački 7. tenderske dokumentacije.	----	DA	----
6.	<b>Tačka: 16.TD pod 7.3</b> Original ili ovjerena fotokopija (ovjerena kod nadležnog organa - Sud, Opština ili notar) potvrde/izjave o ispitivanju izdate od nadležne institucije ili agencije za kontrolu kvaliteta, kojom se potvrđuje da je svaki ponuđeni proizvod zdravstveno ispravan te da se može koristiti za pitku vodu.	----	DA	----
7.	<b>Tačka: 16.TD pod 7.4</b> Original ili ovjerena fotokopija (ovjerena kod nadležnog organa - Sud, Opština ili notar) potvrde/certifikata izdatog od ovlaštene certifikacijske kuće da se kod nanošenja cementne obloge, za ponuđene proizvode, koristi isključivo voda za piće, prema Europskoj direktivi 98/83/CE i da je cement u skladu s normom EN 197-1 ili ekvivalent.	----	DA	----
8.	<b>Tačka: 16.TD pod 7.5</b> Tehnički list proizvoda u kojem je naznačeno da se u proizvodnji ponuđenih proizvoda nanosi epoksi zaštita minimalno 250 µm, uz poštivanje kvalitativnih i ispitnih regulativa GSK RAL-GZ 662.	----	DA	----
9.	<b>Tačka: 16.TD pod 7.6</b> Original ili ovjerena fotokopija (ovjerena kod nadležnog organa - Sud, Opština ili notar) potvrde/certifikata izdatog od ovlaštene certifikacijske kuće, kojom se potvrđuje traženi kvalitet brtve prema EN 681.1, ISO 4633 ili ekvivalent i traženi kvalitet dihtunga a sve prema EN 1514-1 ili ekvivalent	----	DA	----
10.	<b>Tačka: 16.TD pod 7.7</b> Original ili ovjerena fotokopija (ovjerena kod nadležnog organa - Sud, Opština ili notar) potvrde/certifikata izdatog od ovlaštene certifikacijske kuće, kojom se potvrđuje da je materijal za izradu brtve i dihtunga isključivo za pitku vodu, prema Europskoj direktivi 98/83/CE	----	DA	----

R. br.	Ostala zahtjevana dokumentacija/aneksi-prilozi	Ponudač		
		„Vodoskok“ d.o.o. Tomislavgrad	„Bihexo“ d.o.o. Sarajevo	„Toplota“ d.o.o. Zenica
11.	<b>Tačka: 16.TD pod 7.8</b> Original ili ovjerena fotokopija (ovjerena kod nadležnog organa - Sud, Opština ili notar) potvrde/certifikata izdatog od ovlaštene certifikacijske kuće, kojom se potvrđuje da su ponuđeni proizvodi namjenjeni za korištenje za pitku vodu, prema Europskoj direktivi 98/83/CE.	----	DA	----
12.	<b>Tačka: 16.TD pod 7.9</b> Original ili ovjerena fotokopija (ovjerena kod nadležnog organa - Sud, Opština ili notar) potvrde/certifikata izdatog od ovlaštene institucije kojom se dokazuje da vijci i navrtke zadovoljavaju traženi kvalitet, da su od čelika minimalne čvrstoće 8.8, pocinčani za podzemnu ugradnju prema standardu ISO 4014, DIN 931 ili ekvivalent.	----	DA	----
13.	<b>Tačka 31 i 36 TD:</b> Nacrt okvirnog sporazuma – Prilog 7.	----	DA	----
14.	<b>Tačka: 31 i 37 TD:</b> Nacrt ugovora o javnoj nabavci – Prilog 8.	----	DA	----
15.	<b>Tačka: 43 TD:</b> Povjerljive informacije – Prilog 6.	----	DA	----

Ponudači „Vodoskok“ d.o.o. Tomislavgrad, „Bihexo“ d.o.o. Sarajevo i „Toplota“ d.o.o. Zenica u dostavljenoj Izjavi iz čl. 52. ZJN nisu naveli broj Službenog glasnika BiH. Prema mišljenju Komisije nepopunjavanje broja Službenog glasnika BiH u Izjavi iz čl. 52. ZJN u konkretnoj nabavci ne predstavlja nedostatak zbog kojeg bi ponuda trebala biti odbačena jer imajući u vidu da se iz sadržaja izjave nesporno utvrđuje da se ista odnosi na predmetni postupak nabavke, te da je ista uredno potpisana i ovjerena, a također je upisan broj obavještenja, tačan naziv predmeta nabavke kao i naziv ugovornog organa.

Pregledom ponude ponuđača „Toplota“ d.o.o. Zenica Komisija je konstatovala da je navedeni ponuđač u dostavljenoj ponudi i to u Obrascu za ponudu – Aneks II; Prilog 1 „Popis dostavljenih dokumenata, izjava i obrazaca sa nazivima istih“, dostavio popis dostavljenih dokumenata na svom obrascu, a ne na obrascu kako je zahtjevano tenderskom dokumentacijom. Tačkom 16. tenderske dokumentacije „Sadržaj ponude i način pripreme ponude“ je definisano slijedeće: Ponuda se zajedno sa pripadajućom dokumentacijom priprema na jednom od jezika u službenoj upotrebi u Bosni i Hercegovini, na latiničnom ili ćiriličnom pismu. Pri pripremi ponude ponuđač se mora pridržavati zahtjeva i uslova iz tenderske dokumentacije.

**Ponuđač ne smije mijenjati ili nadopunjavati tekst tenderske dokumentacije. Ponuđač je obavezan ponudu pripremiti na anexima (obrazcima) i priložima koji su sastavni dio ove tenderske dokumentacije.**

Tačkom 17.1 tenderske dokumentacije „Način izrade ponude“ definisano je slijedeće: Ponuđači pripremaju ponudu u skladu sa uputstvima i zahtjevima iz ove tenderske dokumentacije.

Ponuda se piše neizbrisivom tintom (napisana ručno neizbrisivom tintom). Ukoliko ponuda bude otkucana na računaru i odštampana, ista će se smatrati prihvatljivom.

**Ponuđači su obavezni ponude pripremiti na anexima (obrazcima) i priložima koji su sastavni dio tenderske dokumentacije. Sadržaj anexa (obrazaca) i priloga iz tenderske dokumentacije se ne smije mijenjati. Ponude se obavezno dostavljaju u originalu (ukoliko ponuđač želi ima mogućnost da dodatno dostavi i kopiju ponude ali dostava iste nije obavezujuća)**

Ponude koje ne budu pripremljene i dostavljene u skladu sa zahtjevima iz ove tenderske dokumentacije bit će odbačene.

Obzirom da ponuđač „Toplota“ d.o.o. Zenica nije postupio u skladu sa zahtjevima iz tenderske dokumentacije to se ponuda ponuđača „Toplota“ d.o.o. Zenica u skladu sa članom 68. stav (4), tačka i) Zakona o javnim nabavkama odbacuje kao neprihvatljiva, te ista nije bila predmet daljeg razmatranja.

Pregledom ponude ponuđača „Vodoskok“ d.o.o. Tomislavgrad komisija je konstatovala da je u Obrascu za cijenu ponude – Aneks III; Prilog 2 u rubrici pod rednim brojem 8 „Ukupna cijena ponude bez PDV-a (bez popusta ili sa popustom ukoliko se nudi) ponuđač upisao drugi iznos cijene koji ne odgovara cijeni ponude koja je upisana u rubrici pod rednim brojem 6 „Cijena ponude bez PDV-a (sa svim uključenim taksama, carinama, osiguranjem i drugim dadžbinama datim na paritetu FCO skladište ugovornog organa u Sarajevu)“. Naime ponuđač je u rubrici pod rednim brojem 7. „Ponuđeni popust (ukoliko se nudi)“ upisao iznos kao da daje popust ali daljim pregledom ponude, tačnije u dijelu Obrasca za cijenu ponude u specifikaciji utvrđeno je da ponuđač nije dao popust. Ponuđač je trebao da na predviđenom mjestu u koloni 7. upiše 0 ili stavi crtu, a da u rubriku pod brojem 8. upiše isti iznos cijene koja je navedena u rubrici pod rednim brojem 6. Komisija na osnovu svih činjenica konstatuje da ponuđač nije pravilno popunio obrazac za cijenu ponude i to rubrike pod rednim brojem 7. i 8. Obrasca za cijenu ponude – Aneks III; Prilog 2 te isti nije postupio u skladu sa tenderskom dokumentacijom.

Tačkom 20. Tenderske dokumentacije je jasno definisano slijedeće:

Obrazac za cijenu ponude koji je dat kao Prilog 2. tenderske dokumentacije – Aneks III se priprema u skladu sa zahtjevima iz tenderske dokumentacije i čini sastavni dio tenderske dokumentacije.

Ponuđači su dužni dostaviti popunjen obrazac za cijenu ponude u skladu sa svim zahtjevima koji su definisani, za sve stavke koje su sadržane u obrascu. U slučaju da ponuđač propusti popuniti obrazac u skladu sa postavljenim zahtjevima, za sve stavke koje su navedene, njegova ponuda će biti odbačena.

Ukoliko Obrazac za cijenu ponude sadrži više stavki, ponuđač je dužan iskazati cijenu za sve stavke, vodeći pri tome računa da ukupan zbir cijena svih stavki u specifikaciji ne može biti 0 (nula).

**Napomena:** U slučaju da je za neku od stavki ponuđena jedinična cijena 0 (nula), neophodno je da ponuđač u Obrascu za cijenu ponude za tu stavku upiše 0,00.

**Tačkom 21. tenderske dokumentacije je definisano:**

Ponuđač treba popuniti Obrazac za ponudu i Obrazac za cijenu ponude koji se nalaze u prilogu ove tenderske dokumentacije u skladu sa svim podacima koji su definisani Aneksom II, prilog 1. i Aneksom III, prilog 2. tenderske dokumentacije.

Cijena ponude se piše brojevima i slovima. U slučaju neslaganja iznosa upisanih brojevano i slovima, prednost se daje iznosu upisanom slovima. Cijena ponude je nepromjenjiva i neće se mijenjati u toku izvršenja ugovora.

Iskazana cijena ponude bez PDV-a sadrži sve naknade koje ugovorni organ treba platiti ponuđaču. Ugovorni organ ne smije imati nikakve dodatne troškove po isporučenoj robi osim onih koji su navedeni u Obrascu za ponudu i Obrascu za cijenu ponude.

Ponuđač može dati popust na ponudu, pod uslovom da ga iskaže posebno, kako je to definisano Obrascem za ponudu Aneks II, prilog 1 i Obrascem za cijenu ponude Aneks III, prilog 2 TD. Ako ponuđač ne iskaže popust na propisan način, smatrat će se da nije ni ponudio popust.

Ukoliko ponuđač ne nudi popust mjesto predviđeno za upis popusta ostavlja se prazno. Ukoliko ponuđač na mjestu predviđenom za upisivanje popusta na bilo koji drugi način naznači da ne nudi popust (npr. upiše nulu, crticu i sl.) takva ponuda se neće smatrati neprihvatljivom.

U Obrascu za ponudu navodi se cijena ponude bez PDV-a, ponudeni popust (ukoliko se nudi) i ukupna cijena ponude sa uključenim popustom bez PDV-a. U Obrascu za ponudu posebno se prikazuje PDV na cijenu ponude (sa uračunatim popustom). Na kraju se daje ukupna cijena za ugovor (cijena ponude sa uključenim popustom + PDV).

Ako ponuđač nije u sistemu poreza na dodatnu vrijednost, u Obrascu za ponudu na mjesto predviđeno za upis cijene ponude s porezom na dodatnu vrijednost, upisuje se isti iznos kao što je upisan na mjestu predviđenom za upis cijene ponude bez poreza na dodatnu vrijednost, a mjesto predviđeno za upis iznosa poreza na dodatnu vrijednost ostavlja se prazno.

Ukoliko ponuđač na mjestu predviđenom za upisivanje poreza na dodatnu vrijednost na bilo koji drugi način naznači da nije u sistemu poreza na dodatnu vrijednost (npr. upiše nulu, crticu i sl.) takva ponuda se neće smatrati neprihvatljivom.

U Obrascu za cijenu ponude navodi se cijena ponude bez PDV-a, ponudeni popust (ukoliko se nudi) i na kraju ukupna cijena ponude bez PDV-a (bez popusta ili sa popustom ukoliko nudi).

Cijena ponude obuhvata sve stavke iz Obrasca za cijenu ponude, to jest ponuđači su obavezni iskazati jedinične cijene za svaku stavku (ukoliko je predmet nabavke podjeljen po stavkama).

**Ukoliko za neku od stavki ponuđač ne popuni jediničnu cijenu, ponuda će biti odbačena kao neprihvatljiva.**

Obzirom na gore navedeno, komisija konstatuje da ponuda ponuđača „Vodoskok“ d.o.o. Tomislavgrad ne ispunjava zahtjeve ugovornog organa tražene tenderskom dokumentacijom, te se ponuda ovog ponuđača u skladu sa odredbama članom 68. stav (4) tačka i) Zakona o javnim nabavkama odbacuje kao neprihvatljiva i ista nije predmet daljeg razmatranja.

Komisija konstatuje da je ponuđač „Bihexo“ d.o.o. Sarajevo dostavio ostalu zahtijevanu dokumentaciju kako je navedeno u tabelarnom prikazu, te je od strane stručnih lica za predmetnu nabavku konstatovano da je navedeni ponuđač ispunio sve postavljene zahtjeve u pogledu opisa predmeta nabavke i tehničke specifikacije.

Takoder je konstatovano da je ponuda ponuđača „Bihexo“ d.o.o. Sarajevo potpisana od strane podnosioca ponude i ovjerena pečatom ponuđača, te ima broj i datum.

Pojašnjenje u smislu čl. 68. stav (3) ZJN, a koji se odnosi na pojašnjenje dokumenata koje su dostavili u skladu sa čl. 45. do 51. ovog zakona ili da dostave originalne dokumente radi poređenja s kopijom koja je dostavljena uz ponudu, a s ciljem otklanjanja formalnog nedostatka dokumenta – se nije zahtjevalo.

Računskom kontrolom specifikacije ponude ponuđača „Bihexo“ d.o.o. Sarajevo konstatovano je da u ponudi navedenog ponuđača nema grešaka računске prirode.

Konstatovano je da ponuđač „Bihexo“ d.o.o. Sarajevo nije dostavio Potvrdu o primjeni preferencijalnog tretmana domaćeg.

Ugovorni organ dodjeljuje ugovor na osnovu sljedećeg kriterija: Najniža cijena (čl. 64. stav 1. tačka b) ZJN ).

Tačkom 25. tenderske dokumentacije je predviđeno provođenje e-aukcije. U skladu sa navedenom tačkom, prije zakazivanja e-aukcije ugovorni organ u sistem e-Nabavke unosi sve prihvatljive ponude.

Tenderskom dokumentacijom je predviđena primjena e-aukcije, a obzirom da je pristigla samo jedna prihvatljiva ponuda, to se u skladu sa članom 3. stav (3) Pravilnika o uslovima i načinu korištenja e-aukcije (Sl. glasnik BiH broj 66/16) e-aukcija ne može zakazati, nego će se postupak okončati u skladu sa članom 69. stav (1) tačka a) Zakona o javnim nabavkama.

Vrijednost ponude ponuđača „**Bihexo**“ d.o.o. Sarajevo iznosi: **649.981,10 KM bez PDV-a.**

Komisija jednoglasno daje prijedlog Ugovornom organu da za nabavku roba : „**Daktilni fazonski komadi sa spojnim i zaptivnim materijalom**“ – tender broj 91/20 donese Odluku o dodjeli ugovora ponuđaču: „**Bihexo**“ d.o.o. Sarajevo, broj ponude br: 151/20 od 07.12.2020. godine, čija vrijednost ponude iznosi: **649.981,10 KM bez PDV-a.**

Iz gore navedenih razloga, ugovorni organ je prihvatio preporuku komisije i primjenom odredbi člana 64. stav (1) tačka b) Zakona o javnim nabavkama („Službeni glasnik BiH“ br. 39/14), donesena je Odluka o izboru najpovoljnijeg ponuđača kao u članu 1. ove odluke.

#### **Pouka o pravnom lijeku :**

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostaviti :  
- Ponuđačima  
- a/a



v.d. Direktor

Aida Pendek, dipl. ing. građ.